

Bosna i Hercegovina
Federacija Bosne i hercegovine
Unsko- sanski kanton
Općina Bužim
Općinski načelnik

Broj: 02-04-156-12/21

Datum: 4.5..2021. godine

Na osnovu člana 70. st. 1., 4. i 6., a u vezi sa članom 45. stav 2. Zakona o javnim nabavkama („Sl. glasnik BiH“, broj 39/14), u postupku javne nabavke za „Nabavka i sukcesivna isporuka ogrijevnog bukovog drveta za potrebe Općinskog organa uprave općine Bužim“, Općinski načelnik općine Bužim, kao rukovodilac ugovornog organa, je donio:

ODLUKU o poništenju Odluke o izboru najpovoljnijeg ponuđača

Član 1.

Poništava se Odluka o izboru najpovoljnijeg ponuđača za „Nabavku i sukcesivnu isporuku ogrijevnog bukovog drveta za potrebe Općinskog organa uprave općine Bužim“, br. 02-04-156-11/21 od 07.04.2021. godine i ponuda ponuđača Drvo-obrt Bužim, br. 01-01/21 od 25.03.2021. godine, se odbacuje.

Član 2.

Nastavlja se postupak javne nabavke: „Nabavka i sukcesivna isporuka ogrijevnog bukovog drveta za potrebe Općinskog organa uprave općine Bužim“, u skladu sa odredbama Zakona o javnim nabavkama („Službeni glasnik Bosne i Hercegovine“, broj 39/14), podzakonskim propisima i drugim aktima, te predmetnom tenderskom dokumentacijom.

Član 3.

Ova odluka objavit će se na web-stranici općine Bužim, www.opcinabuzim.ba, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-04-156/21 od 08.03.2021. godine.

Javna nabavka je sprovedena konkurentskim zahtjevom uz obavještenje o nabavci.

Procijenjena vrijednost javne nabavke bez PDV-a je 21.400,00 KM.

Obavještenje o nabavci broj: 1119-7-1-3-3-3/21 poslato je na objavljivanje dana 11.03.2021. godine.

Komisija za javnu nabavku imenovana je Rješenjem broj: 02-05-2056-2/16 od 23.06.2016. godine.

Komisija za javnu nabavku dostavila je dana 30.03.2021. godine Zapisnik o pregledu i ocjeni ponuda broj: 02-04-156-8/21 i Preporuku o izboru najpovoljnijeg ponuđača, broj: 02-04-156-9/21.

Ugovorni organ je dana 07.04.2021. godine na temelju prednje navedene dokumentacije, donio Odluku o izboru najpovoljnijeg ponuđača, br. 02-04-156-11/21.

Članom 2. prednje navedene Odluke, a u skladu sa članom 45. Zakona o javnim nabavkama BiH, izabranom ponuđači je ostavljen rok od pet (5) dana za dostavu dokumentacije, a kako je propisano odredbom člana 45. navedenog Zakona.

Uvidom u spis predmeta, Odluku o izboru, izabrani ponuđač je zaprimio dana 14.04.2021. godine (dokaz o prijemu u spisu).

Dana 20.04.2021. godine, izabrani ponuđač je dostavio dokumentaciju koja je propisana Odlukom, a što se utvrđuje i dokazuje otiskom prijemnog pečata na dostavnom aktu.

Prema rokovima, krajnji rok za dostavu neophodne dokumentacije bio je 19.04.2021. godine, a što znači da je izabrani ponuđač propusti rok za dostavu neophodne dokumentacije, a potrebne za dalji tok postupka.

Članom 45. stav 2) Zakona o javnim nabavkama („Sl. glasnik BiH“, broj 39/14), ugovorni organ odbaciti zahtjev za učešće ili ponudu ako kandidat kome bude dodjeljen ugovor ne dostavi dokumente pod tačkom a), b), c) i d).

Imajući u vidu da izabrani ponuđač nije postupio po Odluci i u blagovremeno ostavljenom roku dostavio potrebnu dokumentaciju, ugovorni organ je postupajući prema materijalnom pravu, obavezan donijeti Odluku o poništenju Odluke o izboru najpovoljnijeg ponuđača i nastaviti sa postupkom javne nabavke u skladu sa članom 72. stav 3. Zakona.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

Obrada:
Komisija za javne nabavke

Dostaviti:
1. Ponuđaču: „Drvo-Obrt“ Bužim,
2. Web stranica općine Bužim,
3. U spis.



**U ime ugovornog organa
OPĆINSKI NAČELNIK**

Mersudin Nanić, dipl.ing.inf.